

Script of Evening Gojri News Bulletin 18 January 2026 at 1700 Hrs

ایویننگ گو جری نیو ز بلیٹن مو رخہ 18 جنوری 2026

یوہ آکا شوانی جموں بے عبدالمجید تے باغ علی طاہر تیں خبر سُنو۔ پہلاں خاص خاص خبر۔

1★ وزیر اعلیٰ عمر عبداللہ نے نوجواناں ور چُست دُرست ربن، روز مرہ غا کم کاج مانہ توازن پیدہ کرن تے ڈیجیٹل سکریں ور متو وقت ضائع کرن مانہ کمی لیان غی ضرورت ور زور دتو ہے۔

2★ ضلع کشتواڑ مانہ دہشت گرداں تے سلامتی دستاں بشکار ر ٹاکرو شروع ہو گیو ہے تے علاقہ مانہ مزید گُمک روانہ کی گئی ہے۔

3★ کھیڈ محکمہ غا وزیر ستیش شرما غو کہنو ہے جے جموں کشمیر غا لوکاں نانہ ریاست غو درجو واپس ملے گو ور اس مانہ آجوں کُجھ وقت لگ سکے۔

4★ قومی ٹیسٹنگ ایجنسی نے جے ڈبل ای مین امتحانات سال 2026 غا پہلا سیشن واسطے ایڈمٹ کارڈ جاری کر دتا ہیں۔

5★ محکمہ موسمیات نے پہلک تیں جموں کشمیر مانہ بارشاں غی پیشنگوئی کی ہے تے اس راہ وادی چناب، پیر پنجال تے جنوبی کشمیر مانہ پہاری بارشاں تے برفباری غی اُمید ہے۔

خبریں غی تفصیل نال پہلاں باغ علی طاہر۔

CM Sports

وزیر اعلیٰ عمر عبداللہ نے نوجوانان غی صحت تے تندرستی غی ضرورت ور زور پاتاں واں اُن نانہ کھیڈاں تے دوجی جسمانی مشقاں مانہ باقاعدگی سنگ حصو لین غی صلاح دتی ہے۔ اُنہاں نے نوجوانان نانہ اپنا روز مرہ غا کم کاج مانہ توازن پیدہ کرن نالے ڈیجیٹل آلات غی سکریں ور مچ زیا دہ وقت گذاربا جان مانہ کمی لیان غی ضرورت ور وی زور پایو ہے۔ وزیر اعلیٰ نے اِس گل غو اظہار ٹاٹا ممبئی دوڑ سال 2026 مانہ شمولیت غے دوران کیو۔ جس مانہ سینکڑاں غی تعداد مانہ لوکاں نے شرکت کی۔ یاہ دوڑ بالف میراتھن غا ضمہ مانہ منعقد کی گئی ہے۔ اِس موقع ور گل کرتاں واں وزیر اعلیٰ نے کہیو۔۔ باٹ۔۔ اِس تقریب مانہ دوڑن آلا افراد تے تما شایاں سمیت بڑی تعداد امانہ لوکاں نے شرکت کی ہے، جس تیں لوکاں مانہ صحت تے چُست درست طرز زندگی اپنایا جان مانہ لوکاں غی بدھتی دلچسپی غو پتو چلے۔

Encounter Kishtwar

کشتواڑ ضلع غا اِک دور دراز جنگلاتی علاقہ مانہ اِج سلامتی دستاں تے دہشت گرداں بشکار ٹاکرو شروع ہو گیو ہے۔ آکاشوانی جموں غا نامہ نگار نے خبر دتی ہے جے یوہ تصادم ضلع غا چھاترو علاقہ مانہ مندرال۔ سنگ پورہ غے نزدیک سونر گراں مانہ کہیرا بندی تے تلاشی کا روائی غے دوران اِج دوپہر پیش آیو۔ تصادم غے بعد اُس علاقہ مانہ اِضافی سلامتی دستاں ٹوریا گیا ہیں۔ آخری اطلاع ملن توڑی تصادم جا ری تھو تے اِس بارے مزید تفصیل غی آجوں اُڑیک ہے۔

Satish Statehood

کھیڈ محکمہ غا وزیر ستیش شرما اِج اُدھم پور غا سوبھا ش اسٹیڈیم مانہ شہید پولیس سب انسپکٹر دیپک شرما غی یا د مانہ منعقد کیا گیا کرکٹ ٹورنامنٹ غا آخری میچ غے دوران اُت موجود رہیا۔ وزیر نے کھلاڑیاں غی حوصلہ افزائی تے شہید غی تصویر ور پُھل چاڑ غے اُس نانہ خراج عقیدت پیش کیو۔ اُنہاں نے کہیو

جے شہیداں غی قربانیاں نانہہ کدے وی پُلايو نہيں جائے گو۔ جموں واسطے الگ رياست غا مطالبہ با رے وزير نے کہيو جے جموں کشمير غا لوگ واہ رياست چابويں جس غی سرحد گلگت تک بو ويں تھيں۔ اُنہاں نے کہيو جے جموں کشمير نانہہ رياست غو درجو ملے گو وراجاں وقت لگے گو۔ وزير ستيش شرما نے کہيو۔۔
ہاٹ۔۔

R. Day Security

قومی شاہراہ نمبر 44 وراثندہ یوم جمہو رہہ منایا جان غے پیش نظر حفاظتی بندوبست تگڑا کیا گیا ہیں۔ عہدیداراں نے شاہراہ وراثاضافی دستا تعینات کیا ہیں، تے چیک پوائٹ وی قائم کیا گیا ہیں۔ اس توں علاوہ ٹریفک معمول سنگ چلایا جان تے کسے وی ماڑی واردات تیں بچن نانہہ یقینی بنان غی خاطر گشت مانہہ وی بابدو کیو گیو ہے۔ اس با رے مزید جانکاری دے رہیا ہیں۔ ایس ایس پی اُدھم پور امو د آشوک نا گپو رے۔۔ ہاٹ۔۔۔۔ اسے دوران پونچھ مانہہ وی یوم جمہو رہہ غی آمد غے پیش نظر حفاظتی بندوبست سخت کیا گیا ہیں۔ جموں کشمیر پولیس نانہہ سلامتی صورتحال برقرار رکھن غی خاطر جگہ جگہ تعینات کر دتو گیو ہے، تے بر قسم غی نقل و حرکت ورنزدیکی تیں نظر رکھی جا رہی ہے۔ اس با رے مزید جانکاری دے رہیا ہیں پونچھ تیں مہارا نامہ نگار اَنو بہو مصری۔۔ ہاٹ۔۔

مزید خبراں نال عبدالمجید وراثس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن ائیر ڈاٹ گوو ڈاٹ ان وروی دستیاب ہیں، اس تیں یہ خبر مہاری مو بائل ایپ تے ڈی ٹی ایچ وروی دستیاب ہیں)

NTA

قومی ٹیسٹینگ ایجنسی این ٹی اے نے سال 2026 غا پہلا سیشن غا جے ڈبل ای مین امتحان غا ایڈمٹ کارڈ جاری کردتا ہیں۔ اس مہینہ غی 21 تیں 24 تا ریخ

توڑی منعقد کیا جان آلا بی ای تے بی ٹیک غا پہلا پیپر مانہ شامل ہون آلا اُمید وار
اپا اپنا ایڈمٹ کارڈ این ٹی اے غی ویب سائٹ

JEEMainNTA.nic.in

ورون ڈاٹون لوڈ کر سکیں۔ یوہ امتحان دو مرحلاں مانہ منعقد کیو جائے گو۔ پہلی
شفٹ سویر 9 بجائیں دوپہر 12 بجائیں توڑی جد کہ دوجی شفٹ دوپہر بعد 3 بجائیں
شام 6 بجائیں منعقد کی جائے گی۔ این ٹی اے نے اُمیدواراں نانہ ہدایت کی ہے
جے وے اِس گل نانہ یقینی بنالیں جے اُن غا ایڈمٹ کارڈ ور قیو آر کوڈ تے بار کوڈ
صاف صاف پڑھیا جا سکیں۔ اُمیدواراں نانہ یوہ وی کہیو گیو ہے جے وے اپنی
شناخت غی خاطر اپنی درست فوٹو آئی ڈی اپنے سنگ رکھیں، جھپڑی اُنہاں نے
درخواستی فارم سنگ اپ لوڈ کی وی ہے۔

VPN Ban Violation

ضلع اُدھم پور مانہ سکیورٹی وجوہات غی بنا ور موبائل فون ور ورجول
پرائیوٹ نیٹ ورک وی پی این خدمات گا استعمال ور پابندی غا احکامات غی
تعمیل نہ کرن ور اک کالسری غے خلاف مقدمو درج کیو گیو ہے۔ موبن لال غی بیوی
مینا شرما غے خلاف ضلع مجسٹریٹ غا حکم غی مبینہ طور ور خلاف ورزی کرن ور
پولیس تھانہ مجالتہ مانہ بھارتیہ نیایا سہیتا بی این ایس غی متعلقہ دفعاع غے
تحت مقدمو درج کیو گیو۔ واضع رہ جے ضلع مجسٹریٹ نے 3 جنوری نانہ ضلع
مانہ وی پی این خدمات غا استعمال ور پابندی غو حکم جاری کیو تھو۔ مینا شرما
مجالتہ غا گراں پلو غی بسنیک ہے تے اُس غو موبائل فو وی پی این خدمات غو
استعمال کرتاں واں پایو گیو ہے تے اِس معاملہ مانہ مزید تفتیش جاری ہے۔

Colors of India

اینڈن انسٹیچویٹ آف منیجمنٹ آئی آئی ایم جموں غی طرفوں بھارت غا لازوال
فنکارانہ ورثہ ور مبنی اِک ناچ شو منعقد کیو گیو۔ جس مانہ 150 اچ فنکاراں نے
شرکت کی۔ یوہ ناچ شو بھارت غا رنگ غا عنوان سنگ منعقد ہوئو، جس مانہ
روائیتاں غا نوجوان اظہار تے ثقافت غو اِک براہ راست کلاس روم غو منظر پیش کیو

گیو۔ اس پروگرام غی ہدایت کا ری پدم شری بلونت ٹھاکر غی طرفوں کی گئی تھی۔ آئی پی ایم غا پہلا سمسٹر بیچ 28/2025 غا طالب علماں نے کلاسیکی تے لوک ناچ غے علا وہ پورا بھارت تیں روایتی ناچ غا ضمیرہ مانہہ 15 زبردست ناچ کارکردگی پیش کیں۔ ٹرننگ غا تعاون سنگ منعقد کیا گیا اس ناچ شو سنگ آئی آئی ایم جموں غی طرفوں بھارت غا امیر فنکارانہ ورثہ غا تحفظ، فروغ تے پیش کش با رے اس غا عہد غو پتو چلے، جھپڑو جے مجموعی طور رور منیج منٹ غی تعلیم غو اک لازمی حصو ہے۔

Ayush Dept

رام بن مانہہ آیوش محکمہ نے دوئیاں غا بوٹاں با رے اک کیمپ لایو جس مانہہ آیو ر وید، یوگا، یونانی، سیدھا تے ہومیو پیتھی غے متعلق روایتی طور رور صحت غی دیکھ بھال با رے مفت جانکاری دتی گئی۔ اس کیمپ مانہہ بوٹاں ور مبنی علاج ور توجہ مرکوز کرن غے نال نال مفت مشورہ، دوئیاں، صحت غی جانچ غا ٹیسٹ کیا گیا تے مجموعی طور رور لوکاں غی صحت غی دیکھ بھال تے علاج واسطے استعمال ہون آلا بوٹاں غی پائیدار کھیتی غا فروغ ور زور پایو گیو۔ اس کیمپ غو اہم مقصد علاج واسطے استعمال ہون آلا بوٹاں غی کاشت تے تحفظ غی حوصلہ افزائی کرنوتے جنگلی وسائل ور دبائو نانہہ کھٹ کرنو تھو۔ کساناں نانہہ ٹلسی، نیم، ایلو ویرا، ہلدی جیسا بوٹاں غی اہمیت تے ان غی مخصوص شفا بخش خصوصیات نانہہ سمجھن واسطے جانکاری دتی گئی۔ سینئر میڈیکل آفسر آیوش تے ڈسٹرکٹ یوگا کوآرڈینیٹر ڈاکٹر مسعود اقبال نے مزید جانکاری دیتاں واں اس طرح کہیو۔ باٹ۔۔۔

Weather

محکمہ موسمیات نے آئندہ تیہاڑاں غے دوران جموں کشمیر مانہہ بارش تے برفباری غی پیشنگوئی کی ہے۔ پہلک تیں آسمان ور عام طور رور بدل چھاپا رہیں گا تے اس غے نال ہلکی تیں درمیانہ درجہ غی بارش یاہ کئی جگہیں برفباری غو امکان ہے۔ 22 جنوری تیں 25 جنوری تک تے خاص کر جنوبی کشمیر، پیر پنجال تے وادی چناب غی کئی جگہیں 23 تے 24 جنوری نانہہ پہاری برفباری یاہ بارش ہون غو

إمكان ہے۔ محکمہ موسمیات نے مسافراں تے کساناں نانہہ اس دوران ضروری احتیاط برتن غی ہدایت جاری کی ہیں۔ اس بارے مزید جانکاری دے ریا ہیں محکمہ موسمیات غا ڈائریکٹر مختار احمد ... ہائٹ ...

اس غے نال ہی خبراں غو یوہ بلیٹن ختم ہوؤ۔